

Die vier Pas- sion/nach Beschreibung der vier Euangelisten / wie man die sing en vnd lesen thut in den Em- ptern der heiligen Mess : Als am Palmsonntag/ Erichtag/ Mit- woch/ vnd Karfreitag/ bloß nach dem Text verteutscht.



Getruckt zu Ingolstatt / durch
Wolffgang Eder.

ANNO M. D. XCV.





band A. 107. 108. 109. 110. 111. 112.
113. 114. 115. 116. 117. 118. 119.
120. 121. 122. 123. 124. 125. 126.
127. 128. 129. 130. 131. 132. 133.
134. 135. 136. 137. 138. 139. 140.
141. 142. 143. 144. 145. 146. 147.
148. 149. 150. 151. 152. 153. 154.
155. 156. 157. 158. 159. 160. 161.
162. 163. 164. 165. 166. 167. 168.
169. 170. 171. 172. 173. 174. 175.
176. 177. 178. 179. 180. 181. 182.
183. 184. 185. 186. 187. 188. 189.
190. 191. 192. 193. 194. 195. 196.
197. 198. 199. 200. 201. 202. 203.
204. 205. 206. 207. 208. 209. 210.
211. 212. 213. 214. 215. 216. 217.
218. 219. 220. 221. 222. 223. 224.
225. 226. 227. 228. 229. 230. 231.
232. 233. 234. 235. 236. 237. 238.
239. 240. 241. 242. 243. 244. 245.
246. 247. 248. 249. 250. 251. 252.
253. 254. 255. 256. 257. 258. 259.
260. 261. 262. 263. 264. 265. 266.
267. 268. 269. 270. 271. 272. 273.
274. 275. 276. 277. 278. 279. 280.
281. 282. 283. 284. 285. 286. 287.
288. 289. 290. 291. 292. 293. 294.
295. 296. 297. 298. 299. 299. 299.

Am Palmson tag beschreibt Matthaeus di- sen Passion an dem 26. vnd 27. Capiteln.



Nider Zeit sprach der
Herr Jesus zu seine Jün-
gern:

A ij gern:

gern: Wisset jhr/ daß vber zwey
Tag die österliche Zeit wirdt / vñ
des Menschen Sohn wirdt dar/
geben / daß er gecreuziget wer/
de. Da wurden gesamblet die
fürsten der Priester / vnd die
Eltern des Volcks/in dem Vor/
hoff des fürsten der Priester/der
hieß Cayphas/ vnd machten ei/
nen Rath/ daß sie Jesum fiengē/
vnd ihnt tödten/ vnd sprachen:
Nit an dem hochzeitlichen Tag/
daß kein Geschrey werde vnder
dem Voldk! Da aber Jesus war
in Bethania / in dem Haus Si/
monis des Aufsätzigen/ vnd da/
gieng ein Weib zu ihm / die hatt
ein Alabaster mit kostbarer Sal/
ben/vnd gos die auf sein Haupt/

da

da er zu Tisch saß. Da das seine
Jünger sahen / wurden sie vnu-
wirß / vnnd sprachen: Was soll
dise Verlust / sie möcht verkaufft
werden vmb vil / vnd den Arme
gegeben werden: Das wiste Je-
sus wol / vnnd sprach zu ihnem:
Was seydt ihr leydsam disem
Weib: Sie hat ein gutes Werck
an mir gewirkt / dann ihr habt
allzeit arme Leut bey euch / aber
mich werdt ihr nit allwegen ha-
ben: Das dise Frau diese Sal-
ben in meinen Leib gegossen hat/
das hat sie gethan mich zubegra-
ben. Fürwar sag ich euch/wo di-
ses Euangelium gepredigt wird
in aller Welt / da wirdt gespro-
chē/das sie es in meiner Gedächt-

A n

nus

nus gethan habe. Da gieng einer vonn den zwölffen / der da hief Judas Ischarioth / zu den fürsten der Priester / vnd sprach zu ihnen: Was wöllt ihr mir geben / so wil ich ihn euch dargeben: Da gelobten sie ihm dreysig silberin Pfennig. Und auf dem suchet er Geschicklichkeit / daß er ihn dargeb. Vnnd an dem ersten Tag der Ostern / das ist / als die Juden anfiengen zu essen das vngehöfelt oder vngesawrt Brot. Da giengen die Jünger zu Jesu / vnd sprachen: Wo wilt du / daß wir dir bereyten zuessen das Osterlamb: Da sprach Jesus: Gehet inn die Statt / vnd sprechet zu dem Wirth des hauses:

ses: Der Meyster spricht / mein
Zeit ist nahend/bey dir wil ich be-
reyten das Osterlamb mit mei-
nen Jüngern. Vnnd also thåten
die Jünger / als sie Jesus hief/
vnd bereyten das Osterlamb.
Vnd da die Vesperzeit kam / da
aß Jesus mit seine Jüngern. Vnd
da sie assen / da sprach Jesus zu
ihnen: Ich sag euch fürwar / daß
einer vnder euch mich verrathen
wirdt. Da wurden sie gar trau-
rig / vnd sprach ihr jeglicher vñ-
der ihnen: Bin ichs nicht her.
Da antwortet er jnen: Der mit
mir dunctet seine Hand inn den
Napff / oder in die Schüssel / der
wirdt mich verrathen. Aber des
Menschen Sohn gehet / als von

A iiiij ihm

ihm geschriben ist. Wehe aber
dem Menschen / vonn dem des
Mensche Sohn verrathē wird/
ihm wäre gut / daß der Mensch
mit geboren wär. Da antwortet
ihm Judas / der in dargeben hāt/
vnd sprach : Meyster / bin ichs
nit : Da sprach Jesus zu ihme :
Du hast es geredt. Vnnd da die
Jünger assen / da nam Jesus das
Brot / segnet es / vnd brach das/
vnd gab es seinen Jüngern / vnd
sprach : Nemmet vnd esset / das
ist mein Leib : Vñ nam auch den
Kelch / sagt Dand / vnd gab den
seinen Jüngern / vñ sprach : Trin/
cket alle darauff / das ist mein
Blut des newē Testaments / das
vergossen wirdt für vil zu Ablaf

der

der Sünden: Ich sag euch aber/
daß ich fürbaß nit trincke wirdt
von der frucht des Weinreben/
biß auff den Tag / da ich den
newen trincken wirdt im Reich
meines himmlischen Vatters. Vn
da er Lobgesagt hätte / da gien-
gen sie auf an den Oelberg. Da
sprach Jesus zu ihnen: Ihr wer-
det all in diser Nacht Ergerniß
leyden/ dañ es ist geschriben: Ich
wirdt schlafen den Hirten/ vnd
die Schaf werden zerstrewet.
Wañ ich aber darnach wider er-
stehen wirdt / so wirdt ich euch
vorgehen in Galileam. Da ant-
wortet Petrus/ vñ sprach zu jm:
Vnd ists / daß die andern alle an
dir geschändet werden/wirdt ich

A v an

an dir nit geschändet. Da sprach
Jesus zu ihm: Fürwar sag ich dir/.
in diser Nacht / ehe das der Han-
frehet / wirdst du mein zu drey-
malen verlaugnen. Da sprach
Petrus zu ihm: Ob ich auch mit
dir müste sterben / so wirdt ich
dein nicht verlaugnen/also spra-
chen die Jünger alle. Da kam Je-
sus in das Dorff / das da heysset
Gethzemani/mit seine Jüngern/
vnd sprach zu ihnen: Sizet hie/
bis ich dahin gehe/vnd bette. Vn-
da nam er zu ihm Petrum/ vnd
die zwen Sohn des Namens Ze-
bedei/ vnd fieng an trawrig zu/
werden / vnd schwerküttig zu/
seyn/vnd sprach zu ihnen: Mein
Seel ist trawrig bis in den Todt/

ent.

enthaltet euch hie/vnnd wachet
mit mir. Und da gieng er ein we/
nig fürbasß/vnd fiel auff sein An/
gesicht/bettet/vñ sprach: Mein
Vatter / ist es möglich/ so gehe
von mir diser Kelch / doch nicht
als ich wil/ sonder als du wilt/
vnd er kam zu seinen Jüngern/
vnd fand sie schlaffend. Vnnd er
sprach zu Petro: Also/ möchtest
du nicht ein Stund wachen mit
mir/wachet vnd bettet / daß ihr
nit eingehet in Versuchung: Der
Geist ist bereybt / das Fleisch ist
aber schwach. Widerumb gieng
er zum andernmal / vnnd bettet/
also sprechende: Mein Vatter/
ist es/ daß nit mag zergehen der
Kelch / nur allein ich trincke jhn

dann/

dan̄/ so geschehe dein Will. Und
kam aber vñ fand sie schlaffend/
dann ihre Augen ware beschwe-
ret/vnd ließ sie aber/vnnd gieng
wider ab/vnnd bettet zum drit-
tenmal / die vorigen Rede spre-
chend/ vnnd kam zu seinen Jün-
gern/vñ sprach zu jnen: Schlaſ-
set ihr jetzt vnnd ruhet/ nemmet
wahr / die Zeit nahet / das des
Menschen Sohn wirdt geben
in die Händ der Sünder/ stehet
auff/ wir sollen gehen / nembt
war er nahet/der mich dargeben
wirdt. Vnnd da er noch redet/
nembt wahr/ da kam Judas/ ei-
ner auf den Zwölffen/ vnnd mit
ihm ein grosse Schar / mit
Schwertern vnd mit Stan-

gen/

gen / die da gesandt waren vonn
den fürsten der Priester / vñ von
den Eltern des Volks. Und der
jhn dargeben hätte / der gab jnen
ein Zeychen / vnd sprach : Den ich
küsse / der ist es / den haltet / vnn
zuhand gieng er zu Jesu / vnn
sprach : Gegrüssset seyst du Mey-
ster / vnd küste jhn. Da sprach zu
ihm Jesus : freund / was bist du
herkommen : Da gieng die Schar
zu ihm / vnd legten die Händ an
ihn / vnd hielten. Und einer vñ
der jhnē / die da waren mit Jesu /
zog auf sein Schwerd / vñ schlug
eine Knecht des fürsten der Pri-
ester ab sein Ohr. Da sprach Jesus :
Thue dein Schwerdt inn sein
Stadt / dann alle / welche das

Schwerdt



Schwerdt nemmen / die verderben mit dem Schwerdt. Oder meynest du / daß ich meinen Vater nit möchte bitten / daß er mir sendet mehr dann zwölf Legion der Engel. Darumb wie wurden anders die Geschrisften erfüllt / dann es muß also geschehen. Und in derselbigen Stund sprach Jesus zu den Scharen: Gleich als zu einem Schächer / seyd ic aufgangē mit Schwerdten vnd Stangen mich zufahē / vnd täglich saß ich bey euch im Tempel / lehrend / vnd habt mich nicht gehalten. Es ist aber alles darumb geschehen / daß die Geschrisften der Weyssagungen erfüllt wurden. Da liessen jhn sei-

ne

ne Jünger alle / vnd flohen. Da
siengen die Juden Jesum / vnd
führreten ihn zu Caypham / dem
Fürsten der Priester / da die Ge-
schrifftweysen vnd die Eltern
zusammen kamen / vnd von fer-
ren folget ihn Petrus nach bis
in den Vorhoff des Fürsten der
Priester / vnd da er hinein kam/
da saß er bey den Dienern / daß er
sehe das Endt. Da suchten die
Fürsten der Priester / vnd der
ganze Rath / falsche Gezeugniss
wider Jesum / daß sie ihn in den
Todt geben / vñ erfunden nichts/
wiewol vil falscher Zeugen dar-
kamen. Zum letzten aber kamen
zwen falsche Gezeugen / die spra-
chen: Der hat gesprochen / Ich

mag



mag zerbrechen den Tempel Got-
tes / vnd nach dreyen Tagen den/
selben widerumb bawen. Und
da stundt auff der Fürst der Prie-
ster / vnd sprach zu ihm: Antwor-
test du nichts zu den Sachen / die
dise wider dich bezeugen : Aber
Jesus schwig. Da sprach aber
der Fürst der Priester zu ihm:
Ich beschwör dich bey dem le-
bendigen Gott / daß du vns sa-
gest / ob du seyst Christus der
Sohn Gottes. Da sprach Jesus
zu ihm: Du hast das gesprochē/
vnd fürwar sag ich euch / fürbas-
werdet ihr sehen den Sohn des
Menschen / sitzend zu der Rech-
ten der Tugend Gottes / vnd
kommen in den Wolcken des him-

mels.

mels. Da zerris der Fürst der
Priester sein Gewandt / vnd
sprach: Er hat Gott gelästert/
was bedorffen wir nun mehr
Zeugen: Niembt wahr/ ihr habt
nun öffentlich gehört die Gotts/
lästerung / was wirdt euch ge/
düncken: Da antworten sie/vnd
sprachē: Er ist schuldig des Tod/
tes/vnd spyhen ihm vnder sein
Angesicht/vnd schlügen ihn mit
Halschlägen. Die andern aber
schlügen ihn mit Steinen inn sein
Angesicht/vnd sprachen: Weys/
sage vns Christe/wer ist der/der
dich geschlagē hat: Petrus aber
sag aufwendig im Vorhoff / da
gieng zu ihm ein Diern/vn sprach:
Vnd du bist gewesen bey Jesu vō

B

Gali-

Galilea: Da laugnet er vor jhn
allen/ vnd sprach: Ich weyß nit
was du sagest. Vnd da er zu der
Thür aufgieng / da sahe jhn ein
andere Diern / die sprach zu de-
nen/die da gegenwärtig waren:
Der ist auch gewesen bey Jesu
Nazareno: Da schwur aber Pe-
trus mit dem Ayd/vnd sprach:
Ich hab den Menschen nicht er-
kant. Vnnd nach einer kleinen
Zeit/giengen hinzu / die da stun-
den/vnd sprach e zu Petro: War-
lich vñ du bist auch einer auf de-
nen / dann dein Sprach machet
dich offenbar: Da fieng er an
vnmenschlich zulaugnen vnd zu-
schwören/ daß er den Menschen
nit erkennete. Vnd von stundan

fre

Krehet der han / vnd da gedacht
Petrus des Worts Jesu / das er
geredt hatt: Ehe das der han
Krehet / so wirdst du mein drey/
mal verlaugnen / vnd gieng her/
auf / vnd weynet bitterlich. Da
es aber frue ward / da gieng ein
in eine Rath die fursten der Prie/
ster / mit den Eltern des Volks
wider Jesum / das sie ihn in den
Todt geben / vnd führten ihn ge/
bunden / vnd gaben ihn darpon/
tio Pilato dem Richter. Und da
Judas sahe / der in dargebe hat/
te / das er verdampft war / da ge/
rewet es ihn / vnd bracht wider
die dreyfig silberin Pfennig den
fursten der Priester / vñ den El/
tern des Volks / vnd sprach: Ich

Bij hab

hab gesündiget / dañ ich hab dar/
geben das vnschuldige Blut. Da
sprachen sie : Was gehet vns das
an / du wirst darumb auffsehen.
Vnd da warff er die dreyßig sil-
berin Pfennig in den Tempel/
vnd zuhand gieng er von dañen
hinwegk / vnderhieng sich an ei-
nem Strick. Aber die fürste der
Priester / da sie die Pfennig em-
psiengen / da sprachen sie : Es ist
nit zimblich / daß wir das lege in
den gemeynen Schatz / dañ es ist
der Lohn des Bluts / vnnnd wur-
den zurath / daß sie mit denselben
Pfenningen kaufsten eines Haf-
ners Acker / daß man die elenden
Pilgramen da begrüß : Vnd dar-
umb ist derselbige Acker geheys-
sen

sen Acheldemach / das ist / der Acker des Bluts / bis auff den heutigen Tag / da ist erfüllt worden / das / so gesagt ist durch den Propheten Hieremiam / sprechende :
Vnnd sie namen dreyfig silberin Pfennig / vnd haben vergolten den Lohn / den sie gekauft haben von den Kindern von Israel / vñ haben sie gebē vmb des Hafners Acker / als mir gesetzt hat der Herr. Aber Jesus stund vor dem Richter / vnd der Richter fraget ihn / vnd sprach : Bist du der Jüden König ? Da sprach Jesus zu ihm : Du sprichst es. Vnnd da er verklaget ward von den Fürsten der Priester / vñ von den Eltern / da antwort er nichts. Da sprach

B iij Pilat

Pilatus: Hörst du nit/wie uil Ge-
zeugnus sie wider dich sage. Da
antwortet er kein Antwort/also
dass sich der Richter fast verwü-
dert. Aber der Richter hätt ein
Gewonheit/das er dem Volk zu
dem hochzeitlichen Tag eine Ge-
fangnen ließ / welchen sie dann
wolten. Und er hätt da einen be-
ruhmten Gefangnen / der hieß
Barrabas / vnd als das Volk
versamblet war/da sprach zu ih-
nen Pilatus: Welchen wolt ihr/
den ich euch lasse/ Barabam/ o/
der Jesum / der da heyssel Christus:
Dañ er wuste wol / das sie
in von Leyds wegen hätten dar-
geben. Und als er saß zu Gericht/
da sandt sein Weib zu ihm / vnd

sprach:

sprach: Hab du nichts zuschaffen mit dem Gerechten/ dañ ich hab heynt vil erlitten von seinetwegen. Aber die Fürsten der Priester/vnd die Eltesten/die rieten dem gemeynen Volk/das sie begerten Barrabam/vnnd Jesum verderbten. Da antwortet der Richter/vnnd sprach zu ihnen: Welchen wöllt ihr/den ich euch lasse vnder disen zweyen: Da sprachen sie: Barrabam. Da sprach Pilatus zu ihnen: Was wöllt jr aber/das ich thu mit Jesu/der da heyst Christus: Da sprachen sie alle: Man soll ihn crenzigen. Da sprach der Richter zu ihnen: Was hat er dañ Vbels gethan: Da schryen sie je

B iiiij mehr

mehr je mehr / sprechend: Man
soll jhn creuzigen. Und da Pila-
tus sahe / daß er nichts schusse/
sonder des Geschreys je mehr je
mehr ward / da nam er das Was-
ser / vnd wusch seine Händ vor
allem Volk / vnd sprach: Ich bin
unschuldig von diesem Blut dis
Gerechten / ihr werdet darumb
außsehen. Da antwortet alles
Volk / vnd sprach: Sein Blut
sey über uns / vnd über unsere
Kinder. Da ließ er jhnen Barra-
bam / vnd überantwortet jhnen
Jesum gegeyßlet / daß er gecreu-
ziget wurde. Da namen jhn die
Ritter des Richters in dem Rath-
haus / vnd sambleten das Volk
zusammen / vnd thäten ihm ab

sein

sein Gewandt / vnd legten ihm
ein Purpurkleyd an / vnd flachte
ein Cron von Dörnen / vnd satz-
ten sie auf sein Haupt / vnd gaben
ihm ein Rohr in sein rechte Hand /
vnd knyeten für ihn / vnd spotte-
ten sein / vnd sprachen : Gegrüß-
set seyst du der Juden König /
vnd spiehen ihn an / vnd namen
das Rohr / vnd schlugen sein
Haupt : Vnnd da sie sein gespot-
tet hätten / da zogen sie ihm den
Mantel ab / vnd legten ihm sein
Gewandt an / vnd führeten ihn
auf / daß sie ihn creuzigten. Und
da sie aufgiengen / da funden sie
einen Menschen / der hieß Sime-
on Cyreneus / den zwungen sie /
daß er das Creuz tragen muste /

B v vnd

vnd kamen an die Statt / die da
heyset Golgata / das ist / die
Statt Caluarie / vnd gaben ihm
Wein zutrinken mit Gallen ver-
mischet. Und da ers versuchet/
da wolt er nit trincken. Und da
sie ihn creutzigten / da theylten sie
sein Gewandt / vnd wurffen das
Loß darauff / auf daß erfüllet
würde / das durch den Prophetē
gesprochen ist : Sie theylten ih-
nen mein Gewandt / vnd warf-
fen das Loß darauff / vnd sassen
vnd hüteten sein / vnnid schriben
sein Ursach / vnd satzten die über
sein Haupt : Diser ist Jesus / ein
König der Jude. Darnach wur-
den auch zwey Schächer mit ihm
gecreutziget / einen zur rechten/

vnd

vnd einen zur lincken Hand. Die aber fürgiengen / die spotteten seyn/ vnd bewögtten ihre Häupter/vnd sprachen: Pfuy/der du zerbrichst den Tempel Gottes/ vnd inn dreyen Tagen wider bawest / mach heylwärtig dich selber/ bist du Gottes Sohn/ so steyg von dem Creutz herab. Also spotten auch sein die fürsten der Priester/mit den Schrifftgelehrten vnd den Eltisten / vnd sprachen : Er hat andere heylsam gemacht / vnd mag sich selber nicht heylsam machen: Ist er ein König von Israel/so steyg er nun von dem Creutz/so glauben wir ihm: Er getrawet in Gott/ der erlöse ihn/ ob er wölle / dann

er

er hat gesprochen: Ich bin Got-
tes Sohn/ vnd dasselbige Wort
huben sie jm auf/ auch die Schä-
cher/ die mit jhm gecreuzigt wa-
ren. Vnd von der sechste Stund
bis zur neundten/ wurdē die fin-
sternis auff alle Erdreich. Vnd
zur neundten Stundt/ da schry
Jesus mit einer grossen Stimme/
vnd sprach: Hely, Hely lamasabata-
ni, das ist: Mein Gott / mein
Gott / wie hast du mich verlas-
sen: Da hörten das etliche / die
darbey stunden/ vnd sprachen:
Er rüfft Heliam/ vnd zuhandt
liess einer auf jhnen/ vnd nam ei-
nen Schwammen/ vnd füllet jn
mit Ewig/ vnd legt jhn auff ein
Rohr/ vnd gab jhm zutrinken.

Die

Die andern sprachen aber: Bey-
tend/ last vnnse sehen/ ob helias
komme/ vnd jhn erledige. Jesus
schrey aber mit einer grossen
Stimme/ vnd gab den Geist auf. +
Vnd nimb wahr/ des Tempels
Umhang riß sich in zwey Theyl/
von oben an bis vnden ab/ vnd
die Erdt ward bewögt/ vnd die
Stein zerspalten sich / vnd die
Gräber thäten sich auff/ vnd vil
Leiber der Heyligen / die da hätt-
ten geschlaffen/ stunden auf/ vnd
giengen auf den Gräbern/ vnd
kamen nach seiner Vrständt inn
die h. Statt Jerusalem/ vnd er-
schinen manchem. Centurio a-
ber/ vnd die bey ihm waren/ vnd
hüteten Jesum / als sie sahen die

Erdt.

Erdtbidung/vnd was allda ges-
schach / die forchten ihnen fast /
vnnd sprachen: Warlich ist der
GottesSohn gewesen. Da wa-
ren auch vil fräwen von ferren/
die Jesum nachgesolget hätten
von Galilea/vnd ihm dienen/
vnder denen war Maria Mag-
dalena/vnd Maria Jacobi/vnd
die Mutter Josephs / vnnd die
Mutter der Söhne Zebedei. Da
es aber Abend ward/da kam ein
reicher Mensch von Arimathia/
mit Namen Joseph/vn der war
auch ein Jünger Jesu/vnd gieng
zu Pilato/vnnd begert den Leib
Jesu/da hieß ihm Pilatus geben
den Leib: Vnnd als Joseph den
Leib nam / bandt er jn in ein rein

leynin

leynnin Tuch/vnd leget jhn in sein
newes Grab/das er gehawē hāt
in einen Stein / vnd waltzt eine
grossen Stein zu der Thür des
Grabs/vn̄ gieng hinwegk. Vnd
da waren auch Maria Magda-
lena/ vnd ein andere Maria / si-
gend gegen dem Grab. Vnd des
andern Tags / der da war nach
dem Karfreitag / da kamen zu-
sammen die Fürsten der Priester/
vnnd die Gleyßner für Pilatum/
sprechend : Herr / wir haben ge-
dacht / dʒ diser Verführer sprach/
da er noch lebet : Über drey Tag
wirdt ich auferstehen: Darumb
gebeut zuuerhüten das Grab bis
an den drittē Tag / das villeycht
nit seine Jünger kommen / vnd in

stehlen/



30 Der erst Passion am Palmsontag.

stehlen / vnd sprechē zum Voldē /
er ist erstanden von den Todten /
vnd würd die letzt Irrung ärger
dann die erst. Da sprach zu jnen
Pilatus: Habt hut / gehet vnd
hütet als ihr wißt. Da giengen
sie hinwegk / vnd bewahrten
das Grab / vnd bezeych/
neten den Stein
mit den Hü/
tern.



Am

Am Erichtag beschreibt S.
Marcus disen Passion / an
dem 14. vnd 15. Capitel.



En der Zeit / nach
zweyen Tagen / da war
den die Ostern / vnd die
Täg der ungehöfletē Brot / vnd
suchten

suchten die obersten Priester vnd
Schriftgelehrten / wie sie Jesum
schäcklichen siengen / vnd ihn er-
tödten / vnd sprachen : Nicht an
dem hochzeitlichen Tag / das nit
ein Auflauß geschehe vnder dem
Vold. Vnd da Jesus zu Betha-
nia war / in Simonis Haß des
Aufsätzigen / vnd ruhet darin-
nen / da kam ein Weib / die hätt
ein Büchsen vonn Alabaster mit
Salben / des kostlichen Wardi-
piscas : Vnd da sie die Büchsen
auffgethan hätt / da gos sie es
auff sein Haupt. Da waren etli-
che / die das vnvirß empfiengen
in ihnen selber / vnd sprachen :
Warzu ist geschehen die Verlust
diser Salben / dann sie möchte

ver

verkauffet seyn worden mehr
dañ vmb drey hundert Pfenning/
vnd war gegebē den Arme/vnd
muthgrimmeten wider sie. Da
sprach Jesus: Lasset sie / was
seydt ihr jr so hārt/sie hat ein gu-
tes Werck gewirkt an mir / ihr
habt allzeit arme Leut bey euch/
den möcht ihr Guts thun/ wan
ihr wöllet/ aber mich habt ihr
nit allzeit. Das sie gehabt hat/
das hat sie gethan/das sie fürkā-
me meinen Leib zusalben zu der
Begräbnis. Fürwar sage ich
euch/wo dis Euangeliū gepredi-
get wird in aller Welt/wird mā
sprechē/das sie das gethan hat in
seiner Gedächtnis. Und Judas
Scariothis/einer aus de Zwölf.

Cij fen/

sen/gieng ab zu den oberste Prie-
stern/das er Jesum verrieth. Un-
da sie das erhörten / da wurden
sie fro / vnd verhiessen ihm Gelt
zugeben. Und da suchte er/wie
er ihn da möchte füglich darge-
ben. Und an dem ersten Tag der
vngesäwerten Brot / als sie das
Osterlamb aussopfferte/da spra-
chen die Jünger zu Jesu : Wo
wilt du / das wir hingehen/ dir
zubereyten/ das du essest das O-
sterlamb : Da sandt er zwey sei-
ner Jünger/vnd sprach zu ihnen:
Gehet inn die Statt / da wirdt
euch begegnen ein Mensch / tra-
gend ein Lägel mit Wasser/dem
folget nach / vnd wo er eingeht/
da sprechet zu dem Herren des

Hau.

hauses: Der Meyster spricht / wo ist mein Refectorium, da ich es se mit meinen Jüngern das Osterlamb: Und er wirdt euch zeygen einen grossen weyten Saal / vnd da bereytet es vns. Da gien gen ab seine Jünger / vnd kamen in die Statt / vnd funden / als er ihnen gesagt hätt / vnd bereyten das Osterlamb. Und als es Vesperzeit ward / da kam er mit den Zwölffen / vnd als sie sassen zu Tisch / vnd assen / da sprach Jesus: Fürwar sag ich euch / daß einer vnder euch mich dargeben wirdt / der mit mir ifset. Da begündē sie zutrawen / vnd sprach jeglicher sonderlich zu ihm: Bin ich es nicht: Da sprach er zu ih-

nen: Einer vnder den Zwölfzen/
der mit mir einduncket die Hand
inn die Schüssel/ der wirdt mich
dargeben. Zwar des Menschen
Sohn gehet dahin/ als von ihm
geschriften ist. Wehe aber dem
Mensche/ durch den der Sohn
des Menschen wirdt dargegebē/
jm wär gut/ daß der Mensch nit
geboren wäre. Und als sie assen/
da nam Jesus das Brot / segnet
es/ vnd brach es/ vnd gab es sei-
nen Jüngern/ vñ sprach: Nemet/
das ist mein Leib: Und nam den
Kelch/ sagt Danck / vnd gab ih-
nen den/ vnnnd sie truncken alle-
sam daraus. Und er sprach zu
ihnen: Das ist mein Blut des
newē Testaments/das vergossen

wirdt

wirdt für vil. Fürwar sage ich
euch/das ich jetzt nit mehr wirdt
trincke von den blienden Wein-
reben/bis an den Tag / da ich
den newen trinck im Reich Got-
tes. Und da die Red gesprochen
war / da giengen sie an den Oel-
berg. Da sprach Jesus zu ihnen:
Ihr werdet alle an mir geärgert
in diser Nacht / dañ es ist geschri-
ben: Ich wirdt schlafen den Hir-
ten/ vnd die Schaf werden zer-
strewet. Aber darnach so ich wi-
der ersteh / wirdt ich euch vor-
gehen in Galileam. Da sprach zu
ihm Petrus: Und ob sie alle ge-
ärgert werden / so wil ich mich
doch nit ärgern. Da sprach Jesus
Jesus zu jm: Fürwar sag ich dir/

C i i q

heyne



heynt in diser Nacht / ehe dañ der
han sein Stimz zweymal gibt /
wirst du mein dreymal verlaug-
nen. Vnd er redet fürbas / vnd
sprach: Ist es auch / daß ich gleich
mit dir müste sterben / so wirdt
ich dein nicht verlaugnen / vnd
also sprachen die Jünger alle. Vn-
kamen in ein Dörfflein / das hieß
Gethzemani / vñ er sprach zu sei-
nen Jüngern: Sitzet hie / bis daß
ich bette / vnd nam mit ihm Pe-
trum / Jacobum / vnd Johannem /
vnd fieng an zuzittern vnd
verdrossen zuseyn / vnd sprach zu
ihnen: Meine Seel ist trawrig
bis inn den Todt / enthaltet euch
hie / vnd wachet. Vnd da er ein
wenig fürbas gieng / fiel er auff

das

das Erdreich / vnd bettet: Ob
es geschehen möchte / daß die
Stundt vonn ihm gieng / vnd
sprach: Abba / Vatter / alle Ding
seynd dir möglich / nimme den
Kelch von mir / aber nicht als ich
wil / sonder das du wilt. Vnnd
kam zu seinen Jüngern / vnd fand
sie schlaffend / vnd sprach zu Pe-
tro: Simon schläfst du / möch-
test du nicht ein Stundt mit mir
wachen: Wachet vñ bettet / daß
ihr mit eingehet inn Versuchung.
Doch der Geist ist bereybt / der
Leib aber ist krank. Vnnd gieng
aber / vnd bettet dasselbige Ge-
bett / als er zuvor gesprochē / vnd
kam aber / vñ fand sie schlaffend /
dann ihre Augen warē beschwe-

ret/vnd wistē nit / was sie jm
solten antworten. Vnd kam da
zum drittenmal/ vnd sprach zu
ihnen: Schlaſſt iſr jetzt vnd ru-
het/ es ist genug / jetzundt ist die
Stund kōmen / sehet / der Sohn
des Menschen wirdt geantwortet
in die hānd der Sünder / ste-
het auff / wir sollen gehen / nem-
met wahr / der mich verrāth / ist
nahend. Vnd als er noch redet/
kam Judas Ischarioth / einer vō
den zwölffen / vnd mit ihm ein
grosse Schar / mit Schwerdtern
vnd mit Stangen / gesandt von
den oberste Priestern vñ Schrifft
gelehrten / vnd von den Eltern.
Da gab der Verrāther den Jüde
ein Zeychen / vnd sprach : Wel-

chen

chen ich küssse/der ist es/haltet in/
vnd führet jhn sicherlich. Vnd
da er war kommen/zuhandt na-
het er sich zu Jesu/vnd sprach :
Gegrüssset seyst du Meyster/vnd
küste jhn. Vnnd zuhandt wurf-
sen sie ihre händ an Jesum/vnd
hielten jhn. Aber einer von den
Beystehenden zohe auf sein
Schwerdt/vnd schlug des ober-
sten Priesters Knecht/vnd harot
jm ab sein Ohr. Da antwortet
Jesus/vnd sprach zu jhnen : Ihr
seydt aufgangen mit Schwerd-
tern vnd mit Stangen/als zu ei-
nem Schächer / mich zusahen/
täglich war ich bey euch im Tem-
pel/vnd lehret/vnnd ihr sienget
mich nit/aber also musste die Ge-

schrift

schrifft erfüllt werden / da liessen
ihn all seine Jünger / vnd flohen.
Aber ein Jüngling folget ihm
nach / bekleydet mit Syndon v/
ber den blossen Leib / den hielten
sie / er verließ das Kleyd / vñ flo/
he nackt von jnen. Und sie führ/
reten Jesum zu dem obersten
Priester / vnd kamen zusammen
die Priester alle / vñ die Schrifft/
gelehrten / vnd die Eltern. Aber
Petrus folget ihm vonn ferzen
nach / bis hinein in den Vorhoff
des obersten Priesters / vnd sass
mit den Dienern zu dem Fewer /
vnd wärmet sich. Und die ober/
sten Priester / vnnid aller Rath /
suchte Gezeugniß wider Jesum /
daß sie ihn inn den Todt geben /

vnd



vñ funden nichts/ vnd alle sagte
falsche Zeugniß wider jhn / vnd
waren nicht gleiche Gezeugniß.
Da stundē etliche auff/vñ brach-
ten falsche Gezeugniß wider
ihn/sprechende: Wir haben von
ihme gehöret sagen: Ich wirdt
zerstöhren den Tempel / mit der
Hand gemachet / vnd vber drey
Tag wirdt ich einen andern
bauen/ nicht mit der Hand ge-
macht / vnd ihr Zeugniß war
nit zimblich. Da stundt auff der
obriste Priester / in mitten vnder
ihnen/ vnd fraget Jesum/ vnd
sprach zu ihm : Antwortest du
nichts zu disen Dingen / die dir
von disen werdē fürgeworffen:
Er schwig/ vñ antwort nichts.

Da

Da fragt jhn abermal der obri-
ste Priester / vnd sprach zu ihm :
Du bist Christus des gesegneten
Gottes Sohn : Da sprach Je-
sus zu ihm : Ich bins : Vnd ihr
werdet des Menschen Sohn se-
hen sitzen zu der Gerechten der
Kraft Gottes / vnd komin in
den Wolken des Himmels. Und
der oberste Priester zerrif sein
Gewand / vnd sprach : Was be-
geren wir noch Gezeugen / ihr
habt gehort die Gottslasterung /
was ist euch vermeint : Da vr-
theylten sie ihn alle schuldig zu-
seyn des Todts / vnnid etliche be-
gunden ihn zuuerspürzen / vnd
zubedekken sein Angesicht / vnnid
ihn zuschlagen mit Halseschläge /

vnd

vnd sprachen zu ihm : Weyssage
vns / vnd die Diener schlugen in
mit Backenschläge. Vnd da Pe-
trus war herunden in dem Vor-
hoff / da kam ein Diern des ober-
sten Priesters / vnd da sie ihn er-
sahe / das er sich wärmete / da
sahe sie ihn an / vnd sprach : Vnd
du wardest auch mit Jesu Lazar-
reno : Da laugnet er / vñ sprach :
Ich weyß noch erkenne nit / was
du sprichst / vnd gieng hinauf für
den Vorhoff / da krehet der han.
Darnach aber ersahe ihn ein an-
dere Diern / die fieng an zusagen
den Umbstehenden : Der ist aus
denen / da laugnet er widerumb.
Vnd nach einer kleinen Weyl / da
sprachen die / so da stunden bey

Petro :

Petro: Warlich du bist einer aus
ihnen / dann du bist ein Galilei-
scher. Da begund er zuschwoeren
vnd vnmenschlichen zulaugnen/
vñ sprach: Ich weyß disen Menschen
nit / den ihr nennet / vnd zu-
hand krehet der han. Und da
gedacht Petrus des Worts / das
ihm Jesus gesagt hätte: Eh der
han krehet / wirdst du mein drey-
mal verlaugne. Und da begund
Petrus zuweynen.

Das 15. Capitel.

SUnd zuhandt des Morgens
Sfrü / machten die obersten
Priester mit den Eltesten/
vnd den Schrifftgelehrten / vnd
mit allem Rath / eine Rath / vnd

bun-

bundē Jesum/vnd führten jn hin/
vñ vberantwortē jn Pilato. Da
fragt jn Pilatus: Bist du ein Kō/
nig der Juden? Da antwort Jesus/
vñ sprach zu jm: Du sprichst
es. Vnd die oberste Priester ver/
klagte jn in manchen Dingē. Pi/
latus aber fragt jhn/vnd sprach:
Antwortest du nichts/ sihe/ wie
in mancherley Weyß sie dich ver/
sagen? Aber Jesus antwortet
fürbas nichts/ also daß sich Pila/
tus verwundert. Aber zum hoch
zeitliche fest/ solt er jnē auf den
Gefangnen eine ledig lassen/wel/
chen sie begerte. Vñ es war einer/
der hief Barrabas/ der war mit
den Ubelthätern gefangen/vnd
hät einen Todtschlag gethan in

D einem

einem Aufflauff. Da die Schar aufgieng/ da begunden sie bitten vmb einen Gefangnen/ als er ihnen allzeit thåt. Da antwortet ihnen Pilatus/vn sprach: Wolt ihr / ich lasß euch den König der Juden/ dañ er wistte wol/ daß in die obersten Priester durchleyd dargeben hätten. Aber die Bischoffe bewogte die Schar / daß er ihnen vil lieber dargeb Barabam. Da antwortet aber Pilatus/vnnd sprach zu ihnen: Was wollt ihr dann / daß ich thu dem König der Juden: Da schrye sie aber: Creuzigejn. Pilatus aber sprach zu jnen: Was hat er dañ Übels gethan: Da schrye sie noch mehr: Creuzige jhn. Da wolt

Pila-

Pilatus dem Volk genug thun/
vnd ließ ihnen Barrabam/vnnd
überantwortet ihnen Jesum/ge-
schlagen mit Geyßlen/das er ge-
creutziget wurde. Und die Ritter
führten ihn in den Vorhoff
des Richthauses/vnnd sambleten
alle Schar/vnnd legten ihm ein
Purpurgewand an/flachten ein
dörnin Cron/vnd satzten ihm die
auff sein Haupt/vnd begünden in
zugrüssen: Bis gegrüßt der Judäe
König/vnnd schlugen ihm sein
Haupt mit einer Rohr/vnd ver-
spürzten in/vn neygtē die Knye/
vnd bettetē in an.Und da sie sein
gespottet hätten/zogen sie ihm
den Purpurmantel ab/vnd leg-
ten ihm sein Gewandt an/vnd

D u füh

führreten ihn auf/ daß sie in creuzigten. Und zwungen einen fürgehenden/ der hieß Simeon Cyreneus/ komend von dem Dorff des Vatters Alexandri vnd Rufi/ daß er nām sein Creutz/ vnd führreten ihn an die Statt Golgata/ das ist/ die Statt Calvarie/ vnd gaben ihm zutrinken gemyrkten Wein/ vnd er nam sein nit. Und da sie ihn gecreuzigt hättten/ da theylten sie sein Gewandt/ vnd legten das Löf auf dasselbige/ wer etwas nāme. Und es war zu der dritten Stund/ da sie ihn gecreuziget hättten/ vnd war die Überschrifft seiner Drach daran geschrieben: Ein König der Juden. Und creuzigten

mit



mit ihm zwey Schächer / einen
zur rechten / vnd den andern zur
lincken Hand / vnd ward erfüllet
die Schrifft / die da spricht : Er
ist gleich geachtet den Ungerech-
ten. Auch die da fürüber giengen /
die fluchten ihm / vnd bewögten
ihre Häupter / vñ sprachē: Pfuy /
der du den Tempel Gottes zer-
brichst / vnd ihn wider bauest in
dreyen Tagen / mach dich selber
heylwārtig / vnd steyg von dem
Creuz. Und also spotteten sein
auch die obersten Priester vnn
Schrifftgelehrten vndereinan-
der / vnd sprachē: Er hat andere
heylwārtig gemacht / sich selber
mag er nit heylwārtig machen :
Bist du Christus / der König

Israels / so steyg nun herab von
dem Creuz / auffdaß wir es se-
hen vnd glauben. Vnnd die mit
ihm gecreuziget waren / läster-
ten ihn auch. Und vmb die sech-
ste Stundt wurden finsterniß
auff allem Erdreich / bis inn die
neundte Stundt / vnnnd zu der
neundten Stundt / da schry Jesus
mit grosser Stimme / sagende :
Hely , Hely lamasabathani , das ist :
Mein GOTT / mein Gott / wie
hast du mich verlassen: Und et-
liche von den Vmbstehenden hö-
reten es / vnd sprachen : Nemmet
wahr / er rüffet heliam. Da ließ
einer dar / vnd füllt eine Scham-
men mit Ewig / vnd legte in vmb
ein Rohr / vnnnd gab ihm das zu-

trincken/vnd sprach: Last warten/ob Helias komme jhn abzunemmen. Und Jesus ließ auf ein grosse Stim̄ / vnd verschied. + Und des Tempels Umhang riß von oben an bis vnden ab. Und da Centurio/der gegen jm stunde / sahe / daß er also schreyend verschieden war / da sprach er : Warlich der Mensch war Gottes Sohn. Es ware auch Weiber/ welche von ferren zuschauten/ vnder denen waren Maria Magdalena/vnd Maria Jacobis des Lindern/ Josephs Mutter vnd Salome/vnd da er inn Galilea war / folgte sie jm nach/ vnd dienten jm/vnd andere vil/ die miteinander waren aufgan-

gen mit ihm zu Jerusalem. Und daes jetzund war spat worden / dann es war der Karfreitag / der da ist vor dem Sabbath / kam Joseph von Arimathia / ein edler von Hoff / und der war auch wartend des Reichs Gottes / vñ gieng trößlich zu Pilato / vñnd begeret den Leib Jesu. Und Pilatus verwundert sich / ob er jetzundt todt wäre. Und als Centurio zu ihm beruffet war / da fraget er ihn / ob er jetzundt todt wär: Und da er hätt erkandt vom Centurio / da gab er Joseph den Leib. Und Joseph kauffet ein weysses leynes Tuch / vnd na me ihn ab / vnd wicklet jn in den Syndon / vñnd leget ihn inn ein

Grab,

Grab/das da aufgehawen war
in einen Stein/vnnd waltzet ei-
nen grossen Stein für die Thür
des Grabes.

Am Mittwoch beschreibt S.
Lucas disen Passion / an dem
22. vnd 23. Capitel.

G N der Zeit / da her-
zu nahet der hochzeitli-
che Tag der vngehofle-
ten Brot / der da genennet wirdt
der Ostertag / vnd da suchten die
fürsten der Priester / vnd die
Schriftgelehrte / wie sie Jesum
tödten / aber sie fürchteten das
Volk. Vnd Sathanas gieng in

D v Ju:

Judam/ mit dem Zunamē Sca-
rioth/ einer vonn den Zwölffen/
vnd derselbige gieng ab/ vnd re-



det mit den fürsten der Priester/
vnd mit den Meisterschafften/
vnd vnderredet sich mit jnen / in
welcher Weiß er ihnen Jesum v-

ber/

berantwortē wolt. Vnd sie wurdēn erfrewet / vnd gelobten ihm
Gelt zugeben. Vnd er verhies es
ihnen / vnd suchet Geschicklichkeit /
dass er ihn dargeb ohn die
Scharen / dann es kam der Tag
der vngehōfleten Brot / inn dem
da noth war zutödtē das O-
sterlamb. Vnd er sendet Petrum
vnd Johannem / sagend : Gehet
hin / vnd bereytet das Osterlām /
dass wir essen. Da sprachen sie zu
ihm: Wo wilst du / dass wir es be-
reyten? Vnd er sprach zu ihnen:
Sehet / so ic gehet in die Statt /
wirdt euch begegnē ein Mensch /
tragend ein Krug mit Wasser /
folget ihm nach inn das Haus /
darein er gehet / vnd sprecht zu

dem

dem Haufvatter des hauses:
Der Meyster spricht zu dir / wo
ist der gemeyn Soler/das ich es-
se das Osterlamb mit meinen
Jüngern/ vnd er wirdt euch zey-
gen ein grosses/weytes vnd müs-
siges Hauf / vnd da bereytet es.
Vnd sie giengen vnd funden/als
er ihnen gesagt hätt/ vnd berey-
teten das Osterlamb. Vnnd da
die Stundt vergangen ward/
säf er zu Tisch / vnd seine zwölff
Apostel mit ihm. Vnd er sprach
zu ihnen: Mit Begier hab ich be-
gert mit euch zuessen dis Oster-
lamb / ehe dann ich leyd: Dann
ich sag euch/ das ich auf dem nit
wirdt essen das Osterlamb / bis
das es erfüllet wirdt im Reich

Got.

Gottes. Und er nam den Kelch/
saget Dant / vnd sprach : Nem/
met das / vnd theylet es vnder
euch / dann ich sag euch / das ich
nit wirdt trincken von dem Ge/
schlecht der Reben / bis das Reich
Gottes kompt : Vnnd nam das
Brot / saget Dant / brach es /
vnd gab es jnen / sprechend : Das
ist mein Leib / der fur euch gege/
ben wirdt / dises thut inn meiner
Gedächtnis : Vnnd zugleicher/
weys nam er den Kelch / nach
dem er zu Nachts hatt gessen /
sagend : Dises ist der Kelch des
newen Gesatzes in meine Blut /
der vmb euch vergossen wirdt :
Und sehet / die Hand dessen / der
mich dargibt / ist bey mir an dem

Tisch /

Tisch/vnd der Sohn des Menschen gehet dahin / nach dem es geordnet ist. Aber wehe dem Menschen / durch den er verrachten wirdt. Und sie siengen an zu fragen vnder ihnen/welcher der wäre/der dieses thun würdt. Es ist auch worden ein Zwytracht vnder ihnen / welcher auf ihnen für den Grösten gesehen würde. Da sprach Jesus zu ihnen : Die König der Völker herrschen der ihren / vnd die da haben den Gewalt über sie/die werden geheysen die Wolthuer : Aber ihr nicht also/sonder der da ist der Gröste vnder euch / der wirdt als der Jüngste/vnd der da ist der Vor geher / soll seyn als der Diener:

Dann

Dann welcher ist mehrer/der da
ruhet/oder dienet: Ist es nit der/
so da ruhet. Vnnd ich bin in mit-
ten vnder euch/als der da dienet/
ihr aber seydt die/welche bey mir
seynd bliben inn meinen Anfech-
tungen: Vnd ich bereydt euch das
Reich / als mir mein Vatter ge-
ordnet hat/das iher esset vnd trin-
cket auff meinem Tisch in meine
Reich/vnd sitzt auff die Stül/zu
vrtheylen die zwölff Geschlecht
Israel. Vnnd der herz sprach zu
Simon Petro: Simō sihe/Sa-
thanas hat euch erheyschet / das
er euch reytttere als den Weyzen/
aber ich hab gebetten vmb dich/
das dein Glaub nit abgehe / vnd
so du etwan bekehrt / so stärcke

deine

deine Brüder. Er sprach zu ihm:
Herz/ ich bin bereyt mit dir zuge-
hen in den Kärcker / vnd in den
Todt. Vnd Jesus sprach: Ich
sage dir Petro / der han frehet
heut nicht / bis du mein dreymal
verlaugnest mich zu kennen / vñ
sprach zu ihnen: Da ich euch ge-
sandt hab ohn Sac^k / ohne Tas-
chen / vñ ohne Schüch / gebrach
euch dann etwas: Vnd sie spra-
chen zu ihm: Nichts. Darumb
sprach er zu ihnen: Aber nun / der
da hat einen Sac^k / der nemme
auch zugleicherweyß die Tasche /
vnd der da nit hat / der verl^kaufse
seinen Rock / vnd kaufse ein
Schwerdt. Dann ich sag euch/
das alles das / so von mir geschri-

ben/

ben ist / muß an mir erfüllt werden / nāmlich: Er ist geachtet worden vnder die Ungerechten; Dann die Ding / so von mir geschriben seynd / die haben nun ein Endt. Vnnd sie sprachen zu ihme: Herr / sihe hie seynd zwey Schwerdt. Und er sprach zu ihnen: Es ist genug. Vn er gieng auf nach seiner Gewonheit an den Oelberg / vñ die Jünger folgten ihm nach. Vnnd da er war kommen an die Statt / sprach er zu ihnen: Bettet / daß ihr nit eingehet inn Versuchung / vñnd er schied sich von ihnen / souil / als ein Wurff eines Steins ist / vnd mit geneygten Knyen bettet er / vnd sprach: Vatter / ob du wilt /

E

so

so vbertrag disen Kelch vō mir/
jedoch nit mein/sonder dein Will
geschehe. Vnnd ein Engel vom
Himmel erschine da/vnd tröstet
ihn. Vnnd da er war im Streyt
zwischen des Lebens vnd des
Todts /da bettet er langamer/
vnd sein Schweiß ward wie
die Blutstropfen /vnd floß auff
die Erden. Vnd da er war auff/
gestanden von dem Gebett/vnd
kommen war zu seinen Jüngern/
fand er sie schlaffend vor Trau/
rigkeit /vnd er sprach zu ihnen:
Was schlaffet jr/stehet auff/bet/
tet /daß ihr nicht in Versuchung
fallt. Da er noch redet/nemt
wahr/die Schar /vnd der da
hief Judas/einer vō den Zwölf/

fen/

fen/gieng vor ihne her/vnd na/
het zu Jesu/das er in küsset. Aber
Jesus sprach zu ihm: Juda / du
gibst dar den Sohn des Men/
schen mit dem Kuß. Vnnd da sie
das sahen/die bey ihm waren/ so
zukünftig war / sprachen sie zu
ihm: Herr / sollen wir schlagen
mit dem Schwerdt: Vnd einer
aus ihne/ schlug den Knecht des
Fürsten der Priester / vñ hawet
ihm ab sein rechtes Ohr. Jesus
antwortet/vñ sprach: Lasset dar/
von bisher/ vñ da er hāt berührt
sein Ohr / machet er ihn gesund.
Aber Jesus sprach zu den Für/
sten der Priester / vnd zu den Ob/
meystern des Tempels / vnd zu
den Alten / die da waren kommen

E u

zu

zu ihm: Ihr seydt aufgange als
zu einer Schächer mit Schwert/
tern vnd mit Kolben da ich doch
täglich bey euch im Tempel war/
vñ habt die Hand nie vber mich
aufgestreckt. Aber dis ist ewer
Stundt / vnd der Gewalt der
Finsternis. Zuhandt siengen sie
ihn / vnd führten ihn zum Hauf
des Fürsten der Priester / vnd
Petrus folgt ihm nach vonnfer-
ren. Und als das Fewer war an-
gezündet / in der Mitte des Hofs/
vnd sie darumb sassen / da war
Petrus in der Mitte derselbigen/
welchen ersehen hatt ein Diern/
sitzend zu dem Liecht. Und da
sie in anschawet sprach sie: Und
dieser war mit ihm: Und er ver-

laugnet

laugnet sein / sagend: Weib/ich
hab jhn nit erkandt. Vnnd nach
einer kleinen Weyl/ersahe jhn ein
andere/vnd sprach: Vnd du bist
auf jhnen: Petrus sprach: O
Mensch / ich bins nicht. Vnd in
mittler Zeit/als bey einer Stund
vergangen / bestättiget das ein
anderer/sagend: fürwar vnnnd
der war mit ihm/dann er ist auch
ein Galileer. Vn Petrus sprach:
O Mensch/ich weys nit was du
sagest. Vnd da er noch redet/da
frehet der han / vnnnd der herz
wendet sich vmb/vnnnd sahe Pe
trum an / vnnnd Petrus gedacht
des Worts des Herrn/ als er ge
sagt hatt: Ehe das der han fre
het/wirdst du mein dreymal ver

E iiij laug:

laugnen. Und Petrus gieng da
heraus / vnd weynet bitterlich.
Und die Männer / die Jesum hiel-
ten / spotteten sein / vnd schlugen
jhn / vnd bedeckten jhn / vñ schlui-
gen sein Angesicht / vnd fragten
jhn / sagend: Weyssage / wer ist
der / der dich geschlagē hat: Und
vi andere Ding sagten sie wider
jhn / vnd lästerten jhn. Und da
es Tag ward / sambleten sich die
Eltesten des Vold's / vñnd die
Fürsten der Priester / auch die
Schriftgelehrten / vnd führten
jhn inn ihren Rath / sprechende:
Bist du Christus / so sag es vns:
Und er sagt jhnen: Ob ichs euch
gleich sag / so glaubt ihr mir nit /
vnd ob ich euch frag / so werdt jr

mir

am Mittwoch.

69

mir nit antworten / noch darzu
ledig lassen. Aber auf dem wird
der Sohn des Menschen sitzen
zur Gerechten der Kraft Got-
tes. Und sie sprachen alle : Da-
rumb bist du der Sohn Gottes.
Er sprach : Ihr saget es / dañ ich
bin es. Und sie sprachen : Was
begere wir noch weytters Zeug-
nus / dann wir haben es gehöret
aus seinem Mund.

Inn disem Capitel beschreibt
der Euangelist füran den Passion
Christi bis zum Endt.

GUnd all ihre Menig stund
Auß / vnd führten in zu Pi-
latum / vnd fiengen an ihn
zuverklagen / sprechend : Disen

E iiiij fun-

funden wir / daß er verkehrt vn-
ser Volk / vnd verbeyt dem Key-
ser den Zins zugeben / vnd saget:
Er sey Christus / ein König der
Juden. Und Pilatus fraget jhn/
vnnnd sprach: Bist du ein König
der Juden? Jesus antwortet vnd
sprach: Du sagst es. Und Pila-
tus sprach zu den Fürsten der
Priester / vnnnd zu den Scharen:
Ich finde kein Ursach an disem
Menschen. Und sie bestärckten
sich / sagend: Er bewöget das
Volk / vnnnd lehret durch ganz
Judea / fahet an von Galilea bis
hieher. Und da Pilatus höret
nennen Galileam / fraget er / ob
er ein Galileischer Mensch wär:
Und da er erkandt / daß er war

von

vonn dem Gewalt Herodis / da
sendet ihn Pilatus hin zu Herod/
dem / dann er war auch in denen
Tagen zu Jerusalem. Vnnd da
Herodes Jesum sahe / wardt er
fast sehr erfrewet / dann er hätte
vor langer Zeit ihn gern gesehē/
darumb das er manches Ding
von ihm gehört hätte / vnd er
verhoffte zusehen etwan einzey/
chen von ihm zugeschehen: Und
fraget ihn in vilen Worten / aber
er antwortet nichts. Es stundē
auch die Fürstē der Priester / vnd
die Schriftgelehrten / vnd ver/
klagten ihn heftiglich / vnd He/
rodes verschmähet in mit seiner
Menig Vold's / vnd verspottet
ihn / angelegt mit einem weyßen

Ev

Ge

Gewandt / vnd sandt jhn wider
zu Pilatum / vnd Herodes vnnnd
Pilatus wurdē freund an dem
selben Tag / dann vor waren sie
feind gegeneinander. Aber Pi-
latus rüfft zusammen die für-
sten der Priester / vnnnd die Mey-
sterschafften des Vold's / vnnnd
sprach zu ihnem: Ihr habt mir ge-
bracht disen Menschen / als ein
Verkehrer des Vold's / vnnnd se-
het / ich frag jn vor euch / vnd ich
finde kein Ursach an disem Men-
schen / in denen Dingen / in wel-
chen ihr jn verklagt : Noch auch
Herodes / dann ich hab euch zu
jhm gesandt / vnnnd sehet / nichts
wirdiges des Todts ist jhm ge-
schehen / darumb wil ich jn straf-

fen /



sen/ vnd los lassen gehen. Aber
er h̄tte ein Gewonheit ihnen ei-
nen ledig zulassen auff den hoch-
zeitlichen Tag/ da schrye mitein-
ander die ganze Schar / vnd sprach:
Vlmb disen/ vnd las vns
Barrabam / der war von wegen
eines Aufstauffs / so etwan ge-
schehen in der Statt / vnd vmb
einen Todtschlag/ gelegt inn den
Kärcker. Da redet aber Pilatus
zu ihnen / vnd wolt Jesum los-
lassen. Aber sie schryen mit lau-
ter Stimme: Creutige jn/creu-
tige jhn. Vnnd er sprach zu dem
drittenmal zu ihnen: Was hat er
dañ Übels gethan/ ich findet kein
Ursach des Todts an ihm/ dar-
umb wirdt ich jhn straffen / vnd

ledig

ledig lassen. Vnd sie widerstunden mit grosser Stimme/begerend/ daß er gecreuziget wurde/vnnd ihre Stimmen brachen herfür. Vnd Pilatus vrtheylet zugeschen nach jrem Begeren/ vnd ließ ihnen den / der vmb den Todtschlag/vnnd vmb den Aufstauff war in den Kärcker gelegt / vnd überantwortet jnen Jesum nach jrem Willen. Vnnd da sie ihn aufführten/begrissen sie Simonem Cerenensem/kommend von dem Dorff/ vnd legten ihm das Creutz auff / daß ers Jesu nachtrüge. Vnd ein grosse Schar des Volks vnd der Weiber folgten ihm nach/ die beweynten vnd beklagten ihn / vnd Jesus wandte

sich

sich vmb / vnnd sprach zu ihnen :
Ihr Töchter Jerusalem / nit wöl-
let vber mich weynen / sondern
weynet vber euch selber / vnd v/
ber ewre Söhn : Dann nemmet
wahr / die Täg kommen / in denen
sie sagen werden : Selig seynd
die Unfruchtbaren / vnd die Lei-
ber / die da nit gebären / vnd die
Brüst / die nit sängten / dann wer-
den sie anfahen sage zu den Her-
gen : fallet auf vns / vnd zu den
Büheln / bedecket vns / dann so-
sie das thun an dem grünē Holtz /
was wirdt geschehen an dem
dürren. Es warden auch zwen
andere Schälck mit ihm aufge-
führt / daß sie getödtet wurden.
Vnnd darnach da sie kommen wa-

ren

ren an die Statt / die da heyset
Caluarie / da creuzigten sie ihn /
vnd die Schächer / den einen zur
Rechten / den andern zur Linken.
Vnd Jesus sprach : Vatter / ver/
gib ihnen / dann sie wissen nicht
was sie thun. Vnnd sie theylten
sein Gewandt / vnd legten das
Löf darumb / vnd das Volk
stundt da vnd wartet. Vnd die
Fürsten verspotteten ihn / vnd
sprachē : Die andern hat er heyl/
sam gemacht / mach er sich selbst
auch heylsam / so er ist Christus
der auferwöhle Gottes. Vnd
auch die Ritter naheten sich her/
zu / vnd spotteten sein / vnd bot/
ten ihm Ewig / vnd sagten : Bist
du der König der Juden / so ma-

he

che dich selbst heylsam. Es war auch die Uberschrifft geschrieben vber ihn/ mit Griechischen/ Lateinischen vnd Hebräischē Buchstaben: Der ist der König der Juden. Vnnd einer von den Schächern/die da hiengen/ lästert jhn/ vnd sprach: Bist du Christus/ so mach dich selbst vnd uns heylwārtig. Vnd der ander antwortet/ strafst jhn/ vnd sprach: Vnd du fürchtest Gott nicht/ der du doch bist inn gleicher Verdammnuß/ vnd wir leyden rechtlich/ dañ wir empfahē gleichen Lohn nach vnsern Wercken: Aber dieser hat nichts Ubels gethan/ vnd sprach zu Jesu: Herr gedencke mein/ so du kommest in dein Reich.

Vnd

Vnd Jesus sprach zu ihm: Warlich sag ich dir / heut wirdst du bey mir seyn inn dem Paradeys.
Vnnd es war nahe vmb die sechste Stundt / da wurden finsterniß auff aller Erden / bis inn die neundte Stundt / vnd die Sonn ward verblichen / vnd der Umbhāg des Tempels riß in der Mitte entzwey. Vnd Jesus schrey mit grosser Stim / vnd sprach: Vatter / in deine Hānd beflichs ich meinen Geist: Vnd da er das sprach / verschied er. + Da aber Centurio ersah / das / so geschehen ware / lobt er Gott / vñ sprach: Warlich / diser war ein gerechter Mensch. Vnnd all ihre Schar / die darbey waren / vnd zuschawten /

ten/vnd sahen die Ding/so allda
geschahen / schlugen sie an ihre
Herzen / vnd giengen widerum
heym. Es stunden auch all seine
Bekandten von ferren/ vnd die
Weiber/ die ihm nachgefolget
hatten von Galilea / sahen dise
Ding. Vnnd nembt wahr / ein
Mann / mit Namen Joseph von
Arimathia / der Statt Juda /
welcher auch war ein guter vnd
gerechter Mann von Hoff / wel-
cher nicht verwilliget dem Rath
vnd ihren Wercken / dann er auch
wartet des Reichs Gottes / der
gieng zu Pilato / vnd begeret den
Leib Jesu / vnd er wicklet den ab-
genommenen Leib inn einen Syndon /
vnd leget ihn in ein aufgez-

f hawen

hawen Grab/ inn welches noch
niemandt geleget war.

Am Karfreitag beschreibet
S. Johannes disen Passion/
am 18. vnd 19. Capitel.

Nder Zeit/ ist Je-
sus aufgangen mit sei-
nen Jüngern vber den
Bach Cedron/ da war ein Gar-
ten/ in den gieng er vñ seine Jün-
ger. Aber Judas/ der ihn ver-
rieth/ wißt dieselbe Statt wol/
daß Jesus offt dahin kam mit sei-
nen Jüngern/ vnd als Judas zu
ihm hatt genommen die Schar/
vnd die Diener der Bischöffe vñ

der

der Gleyßner/da kam er mit Lanternen/Fackeln vñ Waffen.Und als nun Jesus wol wist alle



Ding / die künftig waren vber
in/da gieng er herfür / vñ sprach
zu jhnen : Wen suchet jhr : Sie

sq

ant.

antworten ihm: Jesum von Nazareth. Da sprach Jesus zu jnen: Ich bins / vñ stund auch Judas / der jhn verrieth / bey jhnen. Und als aber Jesus zu jhnen sprach: Ich bins / da giengen sie hinder sich / vñnd fielen auff die Erden. Und Jesus fraget sie abermals: Wen suchet ihr? Vnnd sie sprachen: Jesum von Nazareth. Jesus antwortet: Ich hab es euch gesagt / das ichs bin / darumb ob ihr mich suchet / so lasset dise ledig gehen / auf das erfüllt werde die Red / die er gesprochen hat: Dann dise / so du mir gegeben hast / auf denen hab ich keinen verlohrē. Aber Simon Petrus hāt ein Schwerdt / das zo-

he er

he er auf/vn schlug des Bischofs
Knecht/vnd hieb ihm ab sein rechtes
Ohr / vnd der Knecht hieß
Malchus. Da sprach Jesus zu
Petro: Lasse dein Schwerdt in
die Scheyd/den Kelch/welchen
mir gegeben hat der Vatter/wilt
du nit/das ich den trincke? Aber
die Schar/vnd ihr Hauptmañ/
vnd die Diener der Judē/ergrif
sen Jesum/bunden vnd führten
ihn zu Annas zum ersten/dann
er war ein Schwäher Cayphe/
der da war ein Bischoff desselbi
gen Iars. Aber Cayphas war
der/welcher den Rath hätt gebē/
das es nutzbar wäre/ das ein
Mensch stürb für das Volk. A
ber Simon Petrus folget Jesu

ſ ij nach

nach/ vñ der ander Jünger/ vnd
derselbige Jünger war bekandt
dem Bischoff/ vnd gieng hinein
mit Jesu in de Hof des Bischoffs.
Aber Petrus stundt bey dem
Thor aufwendig / darum gieng
heraus der ander Jünger/ der da
bekandt war dem Bischoff/ vnd
redet mit der Thorhüterin / vnd
führet Petrum hinein / vnd dar
umb sprach die Thorhüterin zu
Petro : Bist du nit auch auf den
Jüngern dises Menschen : Da
sprach er : Ich bins nit. In dem
stunden auch die Knecht vnd die
Diener bey den Glüten/ vñ wär
meten sich/ dañ es war kalt. Vnd
Petrus war auch mit jnen/ stund
vnd wärmet sich. Nun fragt der

schoff

Bischoff I E S V an von seinen
Jüngern / vnd auch von seiner
Lehr: Da antwortet Jesus / vñ
sprach: Ich hab öffentlich geredt
in der Welt / ich hab allzeit geleh-
ret in der Synagog / vnd in dem
Tempel / da alle Juden zusammen
kamen / vnd in Geheim hab ich
nichts geredt / was fragstu mich /
frag die / so es gehört haben / was
ich gesagt hab: Niemand wahr / die
wissen / was ich gesagt hab. Und
da er das geredt hatt / da stundt
ein Diener darbey / der gab Jesu
einen Backenstreich / sprechend:
Antwortestu also dem Bischoff.
Da antwortet ihm Jesus: Hab
ich vbel geredt / so gib Zeug-
niß vonn dem Vbel; hab ich a-

f iiiij ber

ber wol geredt/warum schlägst
du mich dann? Und da sendet in
Annas gebunden zu Caypham
de Bischoff. Aber Petrus stundt
vnd wärmet sich/da sprachen sie
zu ihm: Bist du nit auch auf sei-
nen Jüngern? Er laugnet/ vnd
sprach: Ich bins nit. Da sprach
einer von des Bischoffs Knecht/
ein geborner freund dessen/dem
Petrus das Ohr hätt abgehawē:
Hab ich dich nit mit ihm Garten
gesehen? Da laugnet abermal
Petrus/vnnd zuhand krehet der
han. Und da führten sie Jesum
von Caypha in das Richthaus/
vnd es war frū/vnd sie giengen
nit inn das Richthaus/auff daß
sie nicht besleckt würden/sonder

daß

daß sie essen das Osterlām. Darumb gieng Pilatus heraus zu ihnen/vnd sprach: Was für Beklagung führet ihr wider disen Menschen? Sie antworten ihm/vnd sprachen: Wär diser nit ein Ubelthäter / wir hätten dir jhn nicht vberantwortet. Darumb sprach zu ihnen Pilatus: Clemet ihr jhn hin/vnd vrtheylt jn nach ewrem Gesatz. Da sprachen sie zu ihm: Uns gezimbt niemandt zutödten/ auß daß erfüllt würde die die Red Jesu / die er gesaget hat: Bezeichnet/mi^t was Todt er sterben würde. Darumb gieng Pilatus wider inn das Rathaus/vnd berüfft Jesum / vnd sprach zu ihm: Bist du ein König?

f v nig

nig der Juden: Da antwortet Jesus: Redest du dir von dir sel-
ber/oder haben dir es die andern gesagt vonn mir: Pilatus ant-
wortet: Bin ich dann ein Jud/dein Volk vnnd deine Bischoff/
haben dich mir dargeben / was hast du gethan: Jesus antwor-
tet: Mein Reich ist nit von diser Welt/dann wär mein Reich von
diser Welt / fürwar meine Di-
ner hätten gesuchten/ daß ich nit
würde dargebē den Juden/ nun aber ist mein Reich nit von der
Welt. Da sprach Pilatus zu ihm:
Darumb bist du ein König: Je-
sus antwortet: Du sagst es/ dañ
ein König bin ich / ich bin in dem
geboren / vnd bin darumb kom-
men

men in diese Welt / daß ich Zeug-
nus geb der Warheit: Ein jeder
der da ist auf der Warheit / der
höret mein Stimb. Da sprach zu
ihm Pilatus : Was ist die War-
heit: Vnnd da er das geredt / da-
gieng er aber hinauf zu den Ju-
den / vnd sprach : Ich finde kein
Ursach in ihm. Es ist aber ewer
Gewonheit / daß ich euch einen
Gefangnen ledig laß zu Ostern /
wolt jr dann / so laß ich euch den
König der Juden. Da schryen sie
alle : Nicht disen / sonder Barra-
bam / vnd Barabas war ein
Mörder. Da nam Pilatus Je-
sum / vnd geyflet in / vnd die Ge-
richtsknecht flachten ein Cron
von Dörnern / vnd legten die

auß

auff sein Haupt / vnd vmbgaben
ihn mit einem Purpurgewandt /
vnd kamen zu ihm / vnd sprachē :
Gegrüsset seyst du ein König der
Juden / vnd gaben ihm Backen-
streich. Pilatus gieng aber hin-
auf / vnd sprach zu ihnen : Nem-
met wahre / ich führe ihn zu euch
heraus / das ihr erkennet / das ich
kein Ursach in ihm finde. Und
also gieng Jesus hinauf / vnd
trug ein dörne Cron / vñ ein Pur-
purgewandt / vñ Pilatus sprach
zu ihnen / Ecce Homo, O Mensch
siehe. Und da in nun gesehen hätt-
ten die Bischöffe / vnd die Die-
ner / schreyen sie alle / vnd sprachen:
Creuzige ihn / creuzige ihn. Da
sprach Pilatus zu ihnen : Nemet

ihr



ihr jhn/ vnd creutziget jhn/dann
ich findet in jhm kein Ursach. Da
antworten jhm die Juden: Wir
haben ein Gesetz/vnd nach dem/
selben Gesetz so soll er sterben/
dann er hat sich ein Sohn Got-
tes genennet. Und als nun Pilau-
tus die Red gehört hatt/da forch-
tet er sich noch mehr/vnd gieng
in das Richthaus/vnd sprach zu
Jesus: Von wannen bist du? Aber
Jesus gab ihm kein Antwort.
Darumb sprach Pilatus zu ihm:
Redest du nit mit mir/weyst du
nit/das ich Gewalt hab dich zu/
creutzige/vnd Gewalt hab dich
los zulassen. Da antwortet ihm
Jesus: Du hattest keine Gewalt
wider mich/wann er dir nit von

oben herab wär gegeben / darum
der mich dir vbergeben hat / der
hat noch grōssere Sünd / vnd
auf dem sucht Pilatus jhn ledig
zulassen. Aber die Juden schrye /
vnd sprachen: Ist es / daß du di-
sen los lässest / so bist du nicht ein
freund des Keyser: Dann ein
jeder / der sich macht zu einer Kō-
nig / der widersagt dem Keyser.
Da nun Pilatus dise Red hätt
gehöret / da führet er Jesum her-
aus / vnd sas zu Gericht an die
Statt / die da ist geheyssen Lyco-
stratos, aber hebraisch / Gabatha.
Und es war der Tag der Berey-
tung der österliche Zeit / als vmb
die sechste Stundt / vnd er sprach
zu den Juden: Nemet wahr ew-

ren

ren König. Da schryen sie aber:
Nimb hin/nimb hin/vnnd creuzige jhn. Pilatus sprach zu jnen;
Soll ich ewern König creutzigē.
Da antworten die Bischöfse;
Wir haben keinen König / dann
den Keyser. Da vberantwortet
er jhnen Jesum/ daß er gecreuzi-
get wurde. Und sie name Jesum
vnd führten jn auf / vnd er trug
ihm selbst sein Creutz/ vnd gieng
auf an die Statt / die geheyssen
ist Caluarie/auf hebräisch Gol-
gatha / da haben sie jhn gecreu-
ziget/vnnd mit ihm zwey Nbel-
thäter / zu jedweder Seyten ei-
nen / aber Jesum inn der Mitte.
Vnnd Pilatus schrib ein Über-
schrift / vnnd sagt die oben auss

das

das Creutz / vnd war geschriben
Hebräisch / Griechisch vnd La-
teinisch : Jesus von Nazareth /
ein König der Juden. Vnd das
Orth war nahe bey der Statt /
da Jesus gecreuziget ward. Als
nun vider Juden gelesen hätten
dieselbig Überschrift / sprachen
die Bischoffe der Juden zu Pila-
to. Nit sollest geschriben haben /
ein König der Juden / sonder das
er gesagt hat : Ich bin ein König
der Juden. Pilatus antwortet /
vnd sprach : Was ich geschriben
hab / das hab ich geschriben. Als
aber die Gerichtsknecht jhn ge-
creuziget hätten / namen sie sei-
ne Kleyder / vnd machten vier
Theyl / jeglichem Reysigen ein

Theyl /

Theyl: Aber der Rock war vn-
genehet/von obē ab ganz durch/
aus gewircket / darumb sprachē
sie zueinander: Wir sollen jhn
mit zerschneyden/ aber wir wöllē
das Löf darumb werffen / wes-
sen er sey. Auff das die Schrifft
erfüllet würde / die da spricht:
Sie haben jhnen getheylt meine
Kleydung / vnd vber meinen
Rock haben sie das Löf geworff-
fen / vnd dis thäten die Gerichts-
knecht. Aber bey dem Creutz Je-
su stunden sein Mutter / vnd sei-
ner Mutter Schwester / Maria
Cleophe / vnd Maria Magdale-
na. Und als nun Jesus gesehen
hätte sein Mutter / vnd den Jün-
ger stehend / den er lieb hättē / da

G sprach

sprach er zu seiner Mutter: Weib
sihe / das ist dein Sohn. Dar-
nach sprach er zu dem Jünger:
Sihe/das ist dein Mutter: Und
vonn diser Stundt nam sie der
Jünger in sein Pflicht. Darnach
wist Jesus wol / daß alle Ding
jetzt vollendet waren / auff daß
die Schrifft erfüllet würde/
Sprach er: Mich dürstet. Nun
war gesetzt ein Geschirr vol Es-
siges/vnd sie füllten eine Schwä-
men vol Ewig vnd Isop / vnd
reychten es dar seinem Mund.
Und als Jesus genommen hätte
den Ewig/da sprach er: Es ist al-
les vollbracht / vnd mit geneyg-
tem Haupt gab er auff seinen
Geist. + Vatter unser/rc.

Aber

Aber die Juden / als nun der
Karfreitag war / auß daß da nit
vbrig bliben die Leychnam am
Creutz auß den Sabbath / dann
dz war der grosse Tag des Sab-
baths / baten sie Pilatum / daß er
ihre Beyn zerbreche / vnd herab
genommen würden. Vnnd dar-
umb kamen die Gerichtsknecht /
vnd zerbrachen die Beyn / des er-
sten vnd des andern / der mit ihm
gecreuziget ward. Aber als sie
kommen waren zu Jesum / vnd
sahen ihn jetzt todt / brachen
sie ihm nit seine Beyn. Aber ei-
ner der Ritter thät auf sein Sey-
ten mit einem Speer / vnd zu-
handt gieng darauf Blut vnd
Wasser / vnd der es gesehen hat /

G ü

der

der hat Zeugnus geben / vnd sein
Zeugnus ist wahr / vnd er wuste/
dass er wahr saget / auf das ihr
glaubet: Dann dise Ding seynd
geschehen / an das die Schrifft
erfüllt würde / die da saget: Ihr
werdet mit ein Heyn auf ihm zer-
knirsche. Und ein andere Schrift
spricht: Sie werden sehen / inn
welches sie gestochen habē. Nach
denen Dingen aber / bat Joseph
von Arimathia / Pilatum vmb
den Leib Jesu / darumb / dass er
war ein Jünger Jesu / aber heym-
lich / von forcht wegen der Ju-
den / dass er hin möcht nemmen
den Leib Jesu / vnd das ließ ihm
Pilatus zu / darumb kam er / vnd
nam den Leib Jesu: Und kam

auch

auch Nicodemus/der da zum ersten kommen war zu Jesu in der Nacht / vnd trug ein Vermischung von Myrrhen vñ Aloes/ wol auf die hundert Pfund/vnd namen den Leib Jesu/vnd bunnen jn in leynin Tücher mit Specereyen/ als der Juden Gewohnheit ist zubegraben. Es war aber an dem Endt/da er gecreuziget ward/ein Garten / vnd inn dem Garten ward ein newes Grab/darein noch niemand war gelegt worden. Darumb von des Karfreitags wegen / dieweil das Grab nahe darbey war/ legten sie Jesum dahin.

G iij

Her.

Hernach folget ein Gebett von
dem Leyden Jesu Christi.

Gott / der du für die Er-
lösung der Welt hast wollen
geboren / beschnitten / vnd
von den Juden verworffen werden/
von dem Verräther Juda durch den
Kiss verrathen / mit Stricken ge-
bunden / vnd als ein unschuldiges
Lämmlein zu dem Opffer geführet/
auch den Angesichtē Anne / Cayphe /
Pilati vnd Herodis / vnzimblichen
fürgebracht / vonn den falschen Zeu-
gen verklaget / mit Geyßlen vnd
Schmachheit gepeyniget / mit Spey-
cheln verspeyhet / mit Dörnen ges-
krönet / mit Halsschlägen vnd mit
dem Rohr geschlagen / in dem Ange-
sicht verbunden / der Kleyder berau-
bet / dem Creuz mit Nageln ange-

heftet

heffter / an dem Creuz erhebt / vnder
die Mörder geschägt / mit Gallen
vnd Eßig gerrenckt / vnd mit dem
Speer verwundet worden. Ich bitte
dich / O Herr Jesu Christe / durch di-
se deine allerheiligste Peyn / die ich
Unwirdiger bedencke / vnd durch
dein heiligs Creuz vnd deine Todt /
erledige mich von der Peyn der Höl-
len / vnd führe mich / dahin du ges-
führt hast den Schächer / mit dir
gereumzigt. Der du mit dem Vat-
ter / vnd dem heiligen Geist / glei-
cher Gott lebest vnd herrschest
vonn Ewigkeit zu Ewig-
keit / Amen.



卷之三

